



中剃髮以是白佛佛言不應尔若老病不堪寒聽在温室中時諸比丘隨次剃髮以是白佛佛言不須隨次若有急事聽先剃若無急事先洗者先剃有諸比丘於庭中處處剃髮不掃除以是白佛佛言應在一處剃剃已掃除著水中火中若埋之若無剃髮師比丘能剃者亦聽聽畜剃刀有諸比丘鼻中毛長佛言聽畜鑷拔之諸比丘便以金銀作鑷佛言不應尔聽用銅鐵牙角竹木除漆樹有諸比丘耳中物塞佛言聽畜挑耳物餘亦如有諸比丘食入齒間以致口臭佛言聽畜撻齒物餘亦如上時瓶沙王作是思惟我未以何物施僧遍思皆施唯未施撻齒物便作滿車施諸比丘因作食供諸比丘不敢受以是白佛佛言皆聽受

佛在蘇摩國自作鉢坯以為後式令陶師燒陶師便多作合燒開竈口視皆成金鉢怖懼言此是大沙門神力若王聞者必當謂我多

和六

二

有金寶便取埋藏佛復作令燒皆成銀鉢亦怖懼埋藏佛復作令燒乃成銅鉢色青好如闍浮樹與諸比丘諸比丘不敢受佛言聽畜有比丘鉢破無鉢遊行佛言應更求鉢若能自作聽作有諸比丘燒鉢色赤佛言應熏有諸比丘畜金銀七寶牙銅石木鉢諸居士譏呵言此諸比丘如王如大臣常說少欲知足而今畜此好鉢諸比丘以是白佛佛以是事集比丘僧告諸比丘從今不聽畜上諸鉢若畜金銀乃至石鉢皆突吉羅若畜木鉢偷羅遮時有婆羅門名優柯羅有一女常用白銅鉢食彼女出家後猶用先器乞食諸居士譏呵言沙門釋子用銅鉢與外道不可分別諸比丘以是白佛佛言不聽用外道銅鉢犯者突吉羅聽用三種鉢鐵鉢瓦鉢蘇摩鉢時毗舍離諸離車得旃檀鉢共議此鉢應與誰或言應與世尊或言應與薩遮尼捷子多人欲與世尊以少從多便盛滿鉢白石蜜歡喜丸

奉上世尊白言我等共得此鉢以奉世尊唯願哀受佛受歡喜丸以鉢還之語言此是外道鉢佛所不畜復共議言我等以鉢奉上世尊世尊不受我今寧可用施眾僧議已即復持鉢往至僧坊施諸比丘諸比丘不敢受以是事白佛佛言聽受破作香用後諸離車復

和六

三

得牛頭梅檀鉢著高樹頭唱言若有神力能取者與之時賓頭盧語目連言世尊說汝神足第一何不取之荅言汝亦有神足便可往取即便取之以施於僧諸比丘不知云何以是白佛佛言聽受破作香用時四大聲聞迦葉目連阿那律賓頭盧共議今王舍城有不信樂佛法僧者我等當共令其信樂作是議已遍觀遠近唯見跋提長者及其姊不信樂佛法僧三聲聞言能化跋提不賓頭盧言能化其姊彼長者作七重門有三部伎若欲食時七門皆閉一食作一部伎阿那律於其食時在其前乞長者問言從何處入荅言從門

入長者即問守門者汝何以聽乞人入荅言門閉如常不見人入長者便以一片麻餅著其鉢中語言出去汝若有物當作此食阿那律得已即去於後食時迦葉復在前乞問荅如前復問守門者汝何故再聽乞人突入我門荅言門閉如常不見人入長者復以一片

魚著其鉢中語言出去汝若有物當作此食迦葉去後其婦問言於意云何謂此比丘不能得食而來乞耶荅言如是婦言識前來比丘不荅言不識婦言彼名阿那律釋種之子捨三時殿五欲之樂出家學道又問識後來比丘不荅言不識婦言彼是畢波羅延摩納大姓之子捨九百九十田宅犂牛出家學道慙念君故來乞食耳長者聞婦語已內懷敬伏於是目連飛在空中為其說法示教利喜乃至即於座上遠塵離垢得法眼淨見法得果已即受三歸五戒自是已後常供給比丘比丘尼優婆塞優婆夷及諸外道時三聲聞

語賓頭盧言我等已化跋提令其信樂汝今宜行次化其姊於是賓頭盧晨朝著衣持鉢入城乞食次到其舍時長者姊手自作麩忽見賓頭盧便低頭閉目賓頭盧亦一心視鉢便語言決不與汝一心視鉢欲以何為賓頭盧便身中烟出復語言舉身烟出亦不與汝

和

四

賓頭盧便舉身火然復語言舉身火然亦不與汝賓頭盧便飛騰虛空復語言飛騰虛空亦不與汝賓頭盧便倒懸空中復語言倒懸空中亦不與汝賓頭盧作是念世尊不聽我等強從人乞便出去去王舍城不遠有大石賓頭盧坐其上令石飛入王舍城城中人見

皆大怖懼恐石落地莫不馳走至長者姊家上便住不去彼見已即大恐怖心驚毛豎叉手白言願施我命以石著先處我當與食賓頭盧便持石還著故處至其前任長者姊作是念我不能以大麩施當更作小者與之便作小丸輒反成大如是三反轉大於前乃作

念言我欲作小皆反成大我今便可趣與一餅即以餅授與諸餅相連至於餅器亦相連著以手捉器手亦著之便語賓頭盧言汝若須餅盡以相與器亦不惜何須我為而令我手著器不離答言我不須餅及器亦不須汝我等四人共議度汝及弟三人已化汝弟

我應度汝所以尔耳問言今欲令我何所施作答言姊妹可戴此餅隨我施佛及僧即便戴麩隨賓頭盧賓頭盧即化道皆經他門使人見之既至佛所手自供佛及千二百五十比丘皆悉飽滿猶故不盡持往白佛我此少餅供佛及千二百五十比丘皆悉飽滿猶故

和六

五

不盡今當持此著於何處佛言可著無生草地若無虫水中彼女人便持著無虫水中水沸作聲如以熱鐵投于小水便生恐怖衣毛皆豎還至佛所頭面禮足却坐一面佛為說種種妙法乃至得法眼淨受三歸五戒供給四眾求道如弟無異諸長老比丘以是白佛

佛以是事集比丘僧問賓頭盧汝實亦不答言實亦世尊佛種種呵責已告諸比丘從今不聽現神足若現突吉羅時瓶沙王有菴羅菓園三時茂好長以華菓施諸比丘隨所須用諸比丘便食其菓前食後食無時不噉或滿鉢持去或噉半擲地後時隣國遣使使白

王言我聞王有菴羅菓園三時茂盛願見其菓王便勅取時諸比丘噉之都盡以是白王王左右諸臣出譏呵言沙門釋子無有馱足王雖無惜受者自應籌量云何一園之菓都共噉盡諸長老比丘聞以是白佛佛以是事集比丘僧問諸比丘汝等實亦不答言實亦

世尊佛種種呵已告諸比丘從今不聽食未淨菓若食突吉羅有一居士請僧噉菓比丘使人一一淨之日遂過中不得食之便譏呵言此諸沙門猶如小兒使人一一淨菓不復及中我今當奈此諸菓何以是白佛佛言有五種子根種子接種子節種子菓種子子種

子若食菓應作沙門法五種淨火淨刀淨鳥淨傷淨未成種淨若食根亦應作沙門法五種淨剝淨截淨破淨洗淨火淨若食莖葉應作沙門法三種淨刀淨火淨洗淨若作淨時應作摠淨於一聚一器中若淨一名爲摠淨有一比丘欲然浴室中火破薪地從木孔中

出螫脚即死諸比丘以是白佛佛言彼比丘不知八種地者提樓賴吒地怛車地伊羅漫地舍婆子地甘摩羅阿濕波羅呵地毗樓羅阿又地瞿曇地難陀跋難陀地呪地者

我慈諸龍王和六天上及世間六以我此慈心

得滅諸毒毒和六我以智慧取六用之殺此毒

味毒無味毒 破滅入地去

佛言若彼比丘以此呪自護者不爲毒地之所傷殺復有比丘被地所螫諸比丘白佛佛言汝以此呪呪彼令得安隱受教往呪彼即得差復有諸比丘處處爲地所螫以是白佛

佛言聽作呪術隨宜治之時諸比丘食多美食以增諸病耆域晨朝往至佛所頭面禮足白佛言世尊今諸比丘食多美食以增諸病願聽浴室中浴除其此患佛以是事集比丘僧以耆域語告諸比丘從今聽諸比丘作浴室為除病故於中浴有諸比丘裸形浴更相

措摩又裸形出浴處諸白衣譏呵言此諸沙門皆如尼捷無有風法諸比丘以是白佛佛以是事集比丘僧呵責已告諸比丘從今聽著浴衣不聽裸形浴裸形相措一一皆突吉羅有諸比丘浴時出外以背措壁樹木還入水灌傷破其身佛言不應尔聽用蒲桃皮摩

樓皮澡豆等諸去垢物諸比丘隨知識與澡豆等佛言應等與佛在舍衛城尔時跋難陀反披拘攝於闇中作四脚行怖諸比丘諸比丘以是白佛佛言不應尔若反披拘攝作四脚行皆突吉羅諸比丘於房內患熱欲反披拘攝佛言房內聽有諸比丘眠時無枕佛言

和

七

聽作枕有諸比丘患風佛言聽捨去諸比丘拾著房內還入衣中佛言聽捨著房外諸比丘兩時拾著水中佛言應捨著弊物中慈心舉之有諸比丘患蚤佛言聽敷物著地掃去若在薦席中聽日曝去有諸比丘患壁風佛言聽除却密泥有諸老病比丘患寒欲於房

內然火佛言寒時聽然諸比丘然火燒壞地敷熏屋佛言聽作火鑪在屋外然烟盡持入諸比丘不知以何物作佛言聽用銅鐵泥石作之聽僧四方僧私畜又聽因地作火鑪諸比丘過中用鉢飲佛言過中不應用鉢飲聽別作飲器用銅鐵瓦有一比丘於德叉尸羅

國夏安居竟到舍衛祇桓至佛所頭面禮足白佛言如此國歌粥彼國飲麩漿願聽諸比丘晨朝飲麩漿佛言聽飲諸比丘飲時須鹽佛言聽畜鹽聽僧四方僧私畜聽作抄鹽物諸比丘便作象生形或作人手持抄鹽佛言不聽作此諸形時諸白衣以槃器莫食與諸

比丘諸比丘不敢受便譏呵言沙門釋子不堪受供養以是白佛佛言聽受有諸比丘於鉢中歠粥苦熱不可捉佛言聽別作歠粥器諸比丘擊食患重佛言聽安机諸比丘便作種種形脚机佛言不聽作諸比丘至白衣舍白衣以種種形脚机下食諸比丘不敢食佛言白衣家聽受但不聽自畜諸比丘須健忘佛言聽畜用銅鐵瓦石作有諸白衣持粥與諸比丘諸比丘不知著何處分之佛言聽作盆杆安環耳行粥時應問別有病人粥不若無應先與病人時毗舍佉母欲令眾僧於住處煮粥佛言聽諸比丘不知著米處佛言應著廢席上米中有穀不知云何佛言聽畜曰杵令淨人伐之不知以何物歠米佛言聽畜歠箕諸比丘須釜佛言聽畜用銅鐵瓦石作諸比丘須杓佛言亦聽作除漆樹餘木皆聽用有病比丘欲得美粥佛言聽淨人為作若無淨人聽比丘淨洗燒器著水令淨人洮豆

和六

八

米著中比丘然後然火粥熟更從淨人受持與病人諸比丘米多無著處佛言聽細泥一房淨掃地以安之米盡諸比丘往聞米鼻佛言聽香泥泥地

佛在拘薩羅國遊行人間與大比丘千二百五十人俱到都夷婆羅門聚落在道側娑羅樹下敷座坐息佛便微笑阿難作是念諸佛不以無緣而笑今佛微笑必有因緣即偏露右肩胡跪問佛佛言阿難過去世時有王名禁寐有一女生時自然著金華鬘即集諸臣議為作字皆言應問相師婆羅門即勅相師皆集令為作字相師言此女生著自然金華鬘應字為摩梨尼即用字之王甚愛重訪問國中與同日生女取給左右時國內有五百女人與同日生皆錄其名以充驅使年既長大王所供養五百婆羅門勅令供養告言汝當如我日作五百金義隨彼所好而供養之女即如勅供養諸婆羅門令竟輒與五百女

人乘四馬車遊戲園觀從園至園從觀至觀  
日日常令時迦葉佛於一園中住御者至佛  
住園輒迴車不入女問御者我於國界無園  
不入汝何故常避此園答言此中有一禿頭  
沙門名曰迦葉不宜見之是故不入女言沙  
門迦葉何豫人事便可迴車入此園觀即迴

和六

九

車入盡通車處步進園中遙見迦葉佛容顏  
殊特猶若金山見已發歡喜心前至佛所頭  
面禮足却住一面佛為說種種妙法示教利  
喜乃至見法得果已受三歸五戒從坐起禮  
佛足右遶而去去不久作是念我常以五百  
金養日再供養五百婆羅門此非福田不應

受施寧可更作極美飲食供養迦葉世尊念  
已勅作日送供養時諸婆羅門聞摩梨尼已  
作迦葉佛弟子更以上饌供養迦葉生嫉妬  
心作是議我等當作方便共殺此女於時禁  
寐王夜得十一種夢夢見樹長四指便生華  
夢見華即成菓夢見犢子耕大牛住視夢見

三釜竝煮飯而兩邊釜飯各跳相入不墮中  
央夢見駱駝兩頭食草夢見馬母反飲駒乳  
夢見金鉢於空中行夢見野狐屎金鉢中夢  
見猕猴坐金牀上夢見賣牛頭梅檀猶如腐  
草夢見水中央濁四邊清淨且集諸群臣廣  
說上夢而訪問之為是何夢眾臣言應問相

師婆羅門即召問之諸婆羅門作是念我等  
志殺此女今得之矣便語王言此夢不吉或  
當失國或以命終王又問頗有方便免斯災  
乎答言有而是王所愛念必不能用王言但  
說相師言王某甲象某甲馬某甲大臣某甲  
大婆羅門將五百特牛五百水牛五百特犢  
五百特犢五百羖羊五百犍羊王女摩梨尼  
及其五百眷屬却後七日於四衢道中殺以  
祠天此災可滅若不作是禍不可免王聞信  
之即勅令辦便呼其女具以事語聽六日內  
隨意所願女白王言甚不惜死願第一日與  
城中人民男女大小到迦葉佛所王即聽之

於是悉召城內前後圍遶往到迦葉佛所佛  
為說種種妙法示教利喜乃至見法得果受  
三歸五戒願第二日與王眾臣共往佛所願  
第三日與諸王子共往佛所願第四日與諸  
王女共往佛所願第五日與王夫人媾女共  
往佛所願第六日與王共往佛所王悉聽之

和六

十

皆見法得果受三歸五戒亦如上說王得果  
已以十一種夢問迦葉佛此夢有何報應佛  
言此十一夢乃為當來不為今也夢見小樹  
生華者於當來世有佛出於百歲人中名釋  
迦牟尼如來應供等正覺尔時人年三十便  
已頭白夢見華即成果者尔時二十歲人便  
已生兒夢見犢子耕大牛住視者尔時人兒  
領家事父母不得自在夢見三釜竝煮飯兩  
邊釜飯各跳相入不墮中央釜者尔時富者  
更相惠施而貧者不得夢見駱駝兩頭食草  
者尔時王有群臣既食王祿復取民物夢見  
馬母反飲駒乳者尔時母嫁女已反從求食

夢見金鉢於虛空中行者尔時雨不時節亦  
不周普夢見野狐屎金鉢中者尔時人民唯  
富是婚不擇本姓夢見獼猴坐金牀上者尔  
時國王用非法治政暴虐無道夢見牛頭栴  
檀賣與腐草同價者尔時釋種沙門貪利養  
故與白衣說法夢見水中央濁四邊清者尔

時佛法中國先滅邊國反盛佛言王十一夢  
所為如此於大王身無有不祥王即於座上  
勅諸羣臣所欲祠天之牲今悉施以無畏吾  
從今寧自失命不故殺生況殺人乎不故傷  
虫蟻況女及諸人等乎佛告阿難彼迦葉佛  
般泥洹後其王為佛起金銀塔縱廣半由旬

和六

十

高一由旬累金銀整一一相間今猶在地中  
佛即出塔示諸四眾迦葉佛全身舍利儼然  
如本佛因此事取一搏泥而說偈言  
雖得闍浮檀 百千金寶利 不如一搏泥  
為佛起塔廟  
示已還復故處佛便以四搏泥泥塔沒處千

二百五十比丘亦各上泥四搏於是諸比丘欲於所泥處為迦葉佛起塔佛言聽起即便共起是時於閻浮提地上最初起塔其後諸比丘欲為阿羅漢諸聲聞辟支佛起塔佛言聽有四種人應起塔如來聖弟子辟支佛轉輪聖王諸比丘欲作露塔屋塔無壁塔欲於

內作龕像於外作欄楯欲作承露槃欲於塔前作銅鐵石木柱上作象師子種種獸形欲於塔左右種樹白佛皆聽之時諸外道亦自作塔種種供養眾人見起信樂心諸比丘作是念佛若聽我等種種供養塔者眾人亦當起信樂心佛亦聽之諸比丘便自歌儻以

供養塔諸白衣譏呵言白衣歌儻沙門釋子亦復如是與我何異諸比丘以是白佛佛言比丘不應自歌儻供養塔聽使人為之聽比丘自讚歎佛華香幡蓋供養於塔諸比丘乞食時得華不敢受諸白衣譏呵言沙門釋子不堪受供養又不欲供養塔諸比丘以是白

佛佛言聽受不知著何處佛言聽作三種囊華囊食囊漉水囊有諸比丘自行採華從一聚落至一聚落出聚落外為賊所剝諸白衣譏呵言此諸沙門正似結華鬘師若華鬘弟子佛言不聽出聚落外採華諸比丘以繩連華供養白衣所呵亦如上說佛言不應以繩

連但散用供養若有萎華其外青者皆聽擿去手三接莖華自開好佛在舍衛城介時諸比丘養爪令長生染著心不樂修梵行遂有及俗作外道者諸白衣譏呵此諸沙門如受欲人修飾手爪無厭離心有一比丘長爪入聚落乞食一女人見呼共行欲比丘言我出

和六

十三

家人不作此事女人言若不從我我當與汝作惡名聲便以爪自毆破傷衣肉大喚言比丘強牽挽我我不從之輒便毆我破衣傷肉眾人來看有信有不信信者言此比丘爪長必作此事不信者言此女人由來不良謗比丘耳皆共譏呵云何比丘畜此長爪諸比丘

以是白佛佛言不聽養爪令長犯者突吉羅  
聽畜截爪刀一頭作挑耳物有諸比丘染爪  
令赤諸白衣譏呵諸比丘以是白佛佛言不  
應亦犯者突吉羅時諸比丘爲飾好故作衣  
佛言不聽爲飾好故作衣犯者突吉羅有一  
比丘守僧房送食比丘來遲緣樹望之墮樹

折脇佛言不聽上樹犯者突吉羅有諸比丘  
小小因緣須上樹佛言聽上不得上過人處  
有諸比丘欲於高樹頭取枯枝爲薪佛言聽  
緣梯取不得緣樹復有諸比丘遇水火惡獸  
賊難欲上樹不敢遂爲所困佛言如此諸難  
聽任意上有二比丘共道行無漉水囊渴欲

飲水見中有虫一比丘飲一比丘不飲而死  
飲水比丘往至佛所以事白佛佛言彼比丘  
有慙愧心乃能守戒而死從今不聽無漉水  
囊行犯者突吉羅有諸比丘欲近處行無漉  
水囊便不敢去佛言聽於半由旬內無漉水  
囊行復有二比丘共道行一比丘有漉水囊

和六

十三

一比丘無不相借極渴乏以是白佛佛言我  
先不制無漉水囊行不得過半由旬耶若自  
無漉水囊有衣角可漉水者聽欲行時心念  
用以漉水亦聽畜漉水筒諸比丘使用金銀  
寶作佛言不應亦聽用銅鐵竹木瓦石作之  
以十種家施衣細者漫口不聽用糞掃衣犯

者突吉羅時舍利弗患風有一呵梨勒菓著  
牀脚邊瞿伽離來以是上座驅舍利弗舍利  
弗即避之忘呵梨勒瞿伽離見語諸比丘世  
尊讚歎舍利弗少欲知足而今藏積我等所  
無舍利弗聞作是念我今云何以此小事墮  
譏嫌中便取棄之諸比丘語言大德風患所

須勿棄此藥可選取之荅言以此小物乃使  
同梵行人致此嫌惟我已棄之終不復取諸  
比丘以是白佛佛言舍利弗不但今棄此藥  
不肯復取過去世時亦曾如是乃往過去有  
一黑地螿一犢子還入穴中有一呪師以粘  
羊呪呪令出穴不能令出呪師便於犢子前

然火呪之化成火蜂入地穴中燒螫黑地地不堪痛然後出穴粘羊以角抄著呪師前呪師語言汝還舐毒不介投此火中黑地即說偈言

我既吐此毒 終不還收之 若有死事至 畢命不復迴

於是遂不收毒自投火中佛言尔時黑地者舍利弗是昔受如此死苦猶不收毒况今更取所棄之藥從今聽諸比丘畜藥六群比丘便多積聚藥諸白衣譏呵言此諸沙門為欲作醫為欲販賣自言少欲知足而無厭足諸比丘以是白佛佛言不應多畜藥聽畜種種雜藥各一阿陀羅若有長病聽隨宜更畜有諸比丘無刀用竹蘆片割衣衣壞佛言聽畜割截物刀諸比丘便作大刀賊來得以害比丘佛言不聽作大刀犯者突吉羅聽長一指一邊作刃以木作柄除漆樹諸比丘得針不敢受佛言聽受畜之諸比丘便多畜佛言不

和六

十四

應多畜聽畜三針餘者淨施時毗舍離阿菟耶住處下濕多蚊虻蒸熱諸比丘患之佛言聽畜扇拂諸比丘用馬尾作拂殺虱佛言不聽用馬尾作拂犯者突吉羅有諸比丘以鉢盛食著地饑之佛言聽作鉢支用銅鐵牙角瓦石竹木除漆樹乃至結草著下亦聽有諸

比丘鉢熏剝脫佛言應更熏諸比丘與作人食不量多少雖多猶瞋佛言聽畜斗斛升合僧四方僧及私亦聽畜亦應有一儲備諸比丘雇作人酥油蜜石蜜不秤與雖多猶瞋佛言聽畜秤亦如上時諸比丘學書諸白衣譏呵言沙門釋子何不勤讀誦用學書為諸比

丘以是白佛佛言不聽學書後諸比丘葦會次不知書記隨忘佛言聽學書但不聽為好廢業諸比丘欲學呪呪蜂虻等諸毒佛言聽學諸比丘畜田宅店肆諸白衣譏呵我等有妻子累故畜田宅店肆諸比丘亦復如是與我何異諸比丘以是白佛佛言皆不聽畜犯

者突吉羅有諸白衣以田宅店肆布施僧諸比丘不敢受便復譏呵言此諸比丘不堪受供養以是白佛佛言聽僧受使淨人知有諸比丘往問訊富蘭那迦葉末伽離等諸外道師佛言不應問訊犯者突吉羅諸比丘學種種卜諸白衣譏呵言沙門釋子不能自淨其

和六

五

見何能知未然事諸比丘以是白佛佛言不聽犯者突吉羅諸比丘學迷人呪佛言不聽犯者偷蘭遮諸比丘學起死人呪佛言不聽犯者偷蘭遮諸比丘問卜相師欲自知吉凶佛言不聽犯者突吉羅諸比丘讀誦外書諸白衣見譏呵言此沙門釋子不信樂梵行捨

佛經戒讀誦外書諸比丘以是白佛佛言不聽有諸比丘與外道論不知著耻念言佛聽我等讀誦外書者不致此耻佛言為伏外道聽讀外書但不得隨書生見有諸比丘多畜小小銅堰諸白衣譏呵言此沙門釋子多畜此器與我何異諸比丘以是白佛佛言不聽

多畜小小銅堰犯者突吉羅有婆羅門兄弟二人誦闍陀鞞陀書後於正法出家聞諸比丘誦經不正譏呵言諸大德久出家而不知男女語一語多語現在過去未來語長短音輕重音乃作如此誦誦佛經諸比丘聞著耻二比丘往至佛所具以白佛佛言聽隨國音

誦但不得違失佛意不聽以佛語作外書語犯者偷蘭遮有諸比丘不繫下衣入聚落墮地露形諸女人笑之著慙佛言不聽不繫下衣入聚落犯者突吉羅聽畜腰繩諸比丘作腰繩太長繞腰四五帀佛言不聽長極可二三帀諸比丘作腰繩太闊佛言聽廣極至四

指狹不減一指諸比丘以雜色綆作佛言不聽聽隨用一色有諸比丘著輕衣入聚落風吹露形諸女人笑著耻佛言聽作衣細鈎鈎之應用銅鐵牙角竹木作鈎除漆樹乃至作帶帶之諸比丘一向著衣下易壞佛言聽顛倒著之上下皆安鈎紐及帶有諸比丘誦呪

時不暇鹽不眠牀上稱言南無婆伽婆生疑  
 我將無墮異見受餘師法耶以是白佛佛言  
 神呪法尔但莫墮其見尔時慈地比丘語盧  
 夷力士子言陀婆比丘與汝婦通盧夷聞已  
 即問陀婆汝實尔不陀婆不答盧夷便言陀  
 婆犯欲著耻無辭答我諸比丘以是白佛佛

和六

六

言聽與盧夷力士子作覆鉢白二羯磨一切  
 不得復入其家應一比丘唱言大德僧聽盧  
 夷力士子虛謗陀婆姪通其婦僧今與作覆  
 鉢羯磨一切不得往入其家若僧時到僧忍  
 聽白如是大德僧聽盧夷力士子虛謗陀婆  
 姪通其婦僧今與作覆鉢羯磨一切不得往

入其家誰諸長老忍默然不忍者說僧已與  
 盧夷力士子作覆鉢羯磨竟僧忍默然故是  
 事如是持若僧與作覆鉢羯磨一切四眾皆  
 不得與來往語言有諸比丘與諸優婆塞小  
 小諍訟便與作覆鉢羯磨佛言不應以小小  
 事便與白衣作覆鉢羯磨若成就八法乃應

作之若優婆塞於諸比丘前毀咎三寶及戒  
 欲不利諸比丘與諸比丘作惡名聲欲奪比  
 丘任處犯比丘尼是為八阿難白衣時與盧  
 夷親厚佛告阿難汝往盧夷所語言僧已與  
 汝作覆鉢羯磨阿難受教往到其門守門人  
 白阿難在外彼言令入阿難語言我今不得

復入汝門盧夷聞之便疾出問汝忽何故不入  
 我門答言僧已與汝作覆鉢羯磨一切四眾  
 不得來往共汝語言盧夷言若如汝語便是  
 殺我問絕倒地阿難言汝起往謝陀婆僧當  
 與汝解覆鉢羯磨盧夷即從地起往到佛所  
 頭面禮足白佛言我實不見陀婆與我婦通

和六

十七

慈地語我信其語耳佛言汝可辭謝陀婆僧  
 當與汝解覆鉢羯磨受教即往陀婆所頭面  
 禮足手捉其脚白言我愚癡故信於人言誹  
 謗大德願受我悔過陀婆比丘即為受之盧  
 夷既辭謝已還到佛所白言我已辭謝陀婆  
 比丘竟佛告諸比丘聽僧白二羯磨為解之

